

5. oktober 2022

UKA 2022/25

Uunga siunnersuut: Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersaartinniarlugit iliuuserisassat pillugit Inatsisartut inatsisaata allangortinneqarnera pillugu Inatsisartut inatsisaat (Aningaasaqarnermut Naligiissitaanermullu Naalakkersuisoq)

Siumumiik naatsumik taallugu aningaasanik peqquserluutinik malunnarunnaarsaanermut inatsimmut allanguuteqarnissaq ajoriffissaqartingilarput. Siumumiillu iluarivarput Naalakkersuisut nunarsuarmi pisunut, minnerunngitsumillu EU peqqussutit malillugillusooq inatsimmik nutarterimmata.

Ilaatigut EU- mut ilaasortaanginnatta, EU- milu nunat niueqatigalugit, EU piumasqaateqarsinnaasarpog, niuerneq eqaatsumik ingerlaniassammat. Tassami inatsisit ilaatigut nutartingikkutsigit Nuna pingajuattut taasartaagaattut inisseratarsinnaavugut, niueqatigiinnermut pisariulersitsisinnaasumik.

Siumup Nunatta Nalaagaaffittut inissinnissaa sulissutiguarpaq, tassanilu pingaaruteqarpoq nunani tamalaani suleqatigiiffiit assersuutigiinnarlugu EU aamma qanoq inissisimaffiginissaa sukumiisumik eqqartorneqarnissaa pisariaqaleriartortoq – Aap EF- mut naaggaarnikuuvugut, taamanikkut 1980-ikkunni pissutsit naapertorlugit, massakulli nunarsuaq aamma allaavoq, nunarpullu ineriartorsimaqaaq, taamanikkumiit.

Tassami Island aamma Norge toqqaannaq EU-mut ilaasortaangikkaluarlutik assigiinngitsutigut suleqatigiipput, suleriaaseqarlutillu. Siumumiik isumaqarpugut tamakkua aamma isumassarsiffiulluarsinnaasut, tassami tuluit nunaat EU- miik animmat massakut OLT- mik nunat taasartagaat 13- iinnanngornikuupput, OLT- lu piujuarnissaa ilaatigut apeqqusernarsinnaalluni. Siumullu isigisariaqartaratta ilaanni, una Siumumiik eqqarsaasersuut oqaatingaarput.

Siumumiik iluarivarput Naalakkersuisut inatsimmik allanguiniarnerat, tamakkiisumillu akueralugu.

Kuno Fencker, Siumut.